



Broj: **02-02-1-222-2/25**
Sarajevo, **26.02.2025.**

N/r - Direktora

Predmet: Zajednički nastup bh. firmi na IV Međunarodnom sajmu proizvoda „China-CEEC Expo“ - 22.-25. maj 2025. godine, Ningbo (NR Kina)

Poštovani,

Obavještavamo Vas da su organizatori sajma „China-CEEC EXPO“ uputili poziv Vanjskotrgovinskoj/Spoljnotrgovinskoj komori BiH da i ove godine organizuje zajednički nastup bosanskohercegovačkih firmi na IV Međunarodnom sajmu proizvoda „China-CEEC Expo“ koji će se održati od **22. do 25. maja 2025. godine** u gradu Ningbo (NR Kina).

Ova izložbena manifestacija se organizira u okviru sveobuhvatne inicijative NR Kine koja ima za cilj jačanje saradnje sa zemljama centralne i istočne Evrope (tzv. CEE region). Među brojnim manifestacijama su i međunarodni sajam koji je fokusiran na poljoprivredno-prehrambene i potrošačke proizvode, zatim investicijski i poslovni forumi te različite konferencije. Glavni organizatori manifestacije su i ove godine Ministarstvo trgovine NR Kine, Narodna vlada Provincije Zhejiang i opština Ningbo.

Sajam će biti održan u prostorijama novoizgrađenog Međunarodnog konferencijskog centra Ningbo na površini od 6.000 m² a predstaviće se izlagači/ kompanije iz svih 16 zemalja CEE regiona. Vanjskotrgovinska/Spoljnotrgovinska komora BiH zajedno sa organizatorom Sajma kompanijama iz Bosne i Hercegovine nudi posebne uvjete izlaganja i to:

- besplatan dio uređenog prostora sa osnovnom opremom u okviru zajedničkog bosanskohercegovačkog štanda;
- besplatan prijevoz za učesnike od aerodroma u Šangaju do Ningba (pri dolasku u Kinu i povratku u BiH);
- besplatne usluge prevodenja i tehničke pomoći od strane volontera,
- besplatna dodatna promocija kroz zajednički katalog izlagača iz BiH;
- sufinansiranje troškova zbirnog transporta eksponata i troškove carinske procedure od BiH do luke Ningbo (maksimalno do 100 kg ukupne težine po kompaniji);
- besplatan transport eksponata od luke Ningbo do sajmišta (na teritoriju Kine);
- besplatan prevoz od hotela do sajmišta;
- besplatan ručak u vrijeme trajanja sajma; i
- pomoć pri rezervaciji smještaja sa liste preporučenih hotela.

Troškovi koje snose bh. kompanije:

BH kompanije – suizlagači snose dio troškova transporta svojih eksponata.

Kotizacija za kompanije iznosi 500 KM sa uključenim PDV-om.

Pored navedenog, kompanije- suizlagači su dužne snositi troškove prevoza i smještaja svojih predstavnika.



Na Sajmu se mogu izlagati sljedeći proizvodi:

- poljoprivredno-prehrambeni proizvodi, osim onih za koje postoje zabrane (npr. proizvodi animalnog porijekla);
- turističke uluge.
- vino i bezalkoholna pića;
- robe široke potrošnje;
- usluge IT industrije (digitalna rješenja, umjetna inteligencija, 5G tehnologija, i sl.); i

Kriteriji za kompanije-suizlagače su sljedeći:

- Proizvođači gore iznad navedenih kategorija proizvoda;
- Kompanije koje imaju iskustvo u izvozu i zapošljavaju barem jednu osobu koja aktivno govori engleski jezik;
- Kompanije koje su orijentisane za izvoz na tržište Kine i odgovaraju adekvatnim kvalitetom proizvodnje;
- Kompanije koje su izmirile finansijske obaveze proizašle iz prethodnih nastupa na sajmovima koje je organizovala VTK/STKBiH i koje su pokazale profesionalan pristup prilikom ranijih izlaganja (razmjena informacija o rezultatima nastupa sa organizatorom, korektan odnos prema ostalim izlagačima na kolektivnom štandu, i sl.);
- Kompanije koje su aktivni član VTK/STKBiH (redovno izmiruju obaveze plaćanja članarine u skladu sa članom 22. i 23. Zakona o VTK/STK BiH „Službeni glasnik BiH“, broj: 30/01 i 72/13);

Zbog završnih dogovora oko nastupa na sajmu, potrebe uređenja i opremanja štanda, predviđen boravak za izlagače u Ningbu je dan pred početak održavanja sajma i cijelo vrijeme trajanja sajma (21-25.05.2025.).

Prijavu možete izvršiti dostavljanjem popunjenog Prijavnog formulara i potpisanog i ovjerenog Sporazuma o uslovima izlaganja u 4 primjerka (prilog).

Selekcija učesnika

Zainteresirane kompanije koje do naznačenog roka dostave popunjenu Prijavu učešća i potpisan Sporazum o uslovima izlaganja na štandu BiH, ulaze u proces selekcije i biće rangirane prema gore navedenim kriterijima učešća. Firme koje uđu u uži izbor biće kontaktirane i, po potrebi, projektni tim će tražiti dodatne podatke (npr. fotografije proizvoda) i/ili organizovati posjetu firmi.

Rok za dostavu prijava i Sporazuma je 14.03.2025. godine.

Zbog brže obrade podataka, popunjen, potpisan, pečatom ovjeren, skeniran Prijavni obrazac i Sporazum možete dostaviti na sljedeće mail adrese: tarik.kovac@komorabih.ba ili stanislava.perisic@komorabih.ba, dok je originalni Prijavni obrazac i 4 primjerka ispunjenog, potpisanog i pečatom ovjerenog Sporazuma potrebno dostaviti poštom na adresu Vanjskotrgovinske/Spoljnotrgovinske komore Bosne i Hercegovine, Branislava Đurđeva 10, 71 000 Sarajevo.

Pozivamo sve kompanije iz navedenih sektora koje su zainteresirane da izlažu na ovom sajmu da nam do naznačenog roka dostave svoje prijave.

Za sva dodatna pitanja kontakt osobe su Tarik Kovač (tarik.kovac@komorbih.ba, 033 566 235) i Stanislava Perišić (stanislava.perisic@komorabih.ba, 033 566 242).

U očekivanju vašeg pozitivnog odgovora.

S poštovanjem,



Prilog:

- Obrazac za prijavu;
- Sporazum o uslovima izlaganja na međunarodnom sajmu proizvoda „China-CEEC Expo“